



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-519-4/21**
Datum: **24.12.2021. godine**

„Agencija za vodno područje rijeke Save“ Sarajevo rješavajući po zahtjevu „DRVOPROMET“ d.o.o. Velika Kladuša, za izdavanje vodne dozvole za ispuštanje tehnoloških otpadnih voda sa lokacije i iz pogona za primarnu obradu drveta, lociranog u naselju Glavica, općina Velika Kladuša na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E
o vodnoj dozvoli

1. Daje se vodna dozvola pravnom licu „DRVOPROMET“ d.o.o. Velika Kladuša, za ispuštanje tehnoloških otpadnih i oborinskih onečišćenih voda sa lokacije i iz pogona za primarnu obradu drveta, lociranog na zemljištu označenom kao k.č. broj: 1375/3 K.O. Grahovo, u naselju Glavica, općina Velika Kladuša.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli se donosi na osnovu činjeničnog stanja utvrđenog pregledom dostavljenje dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta pogona za izradu finalnih proizvoda od drveta sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da u roku važenja ovog rješenja, korisnik, „DRVOPROMET“ d.o.o. Velika Kladuša, **reviduje i realizuje projektnu dokumentaciju (Glavni projekt instalacija vodovoda i kanalizacije urađen od strane „Zagrebinspekt“ doo Mostar kolovoza – avgusta 2013. godine)**, tj. vanjskog uređenja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda iz objekta i sa lokacije predmetnog objekta pogona za primarnu obradu drveta, u skladu sa glavnim projektom i dostavljenim dinamičkim planom.
 - 3.3. Opasni materijal i otpad, kako u toku izvođenja radova tako i u toku rada pogona ne smije se ni privremeno odlagati na česticu «vodno dobro», odnosno u vodotok i na njegove obale.
 - 3.4. Da se sa piljevinom i otpacima drveta, koji se koriste kao sirovina za proizvodnju peleta, postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
 - 3.5. Da se istrošena ulja, nauljene krpe i sav opasan otpad koji se koristi u procesu čišćenja i održavanja postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.6. Objekte za prikupljanje, tretman i ispuštanje oborinskih onečišćenih i tehnoloških otpadnih voda (slivnici, rešetke, kanalizaciona mreža, uređaji za tretman i dr.) potrebno je izvesti u skladu sa projektnom dokumentacijom, a postojeće objekte, do kompletnog završetka, održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 3.7. Da se oborinske vode sa krovova objekata kompleksa pakupe i zatvorenim sistemom kanizacionih cijevi odvedu direktno u recipijent, odnosno, uraditi sve prema projektnoj dokumentaciji iz tačke 3.2. ovog Rješenja.

- 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20). Učestalost i način ispitivanja vršiti u skladu sa članom 20 stav (4). iste Uredbe. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
- 3.9. Talog iz uređaja za tretman tehnoloških otpadnih voda se ne smije ni privremeno odlagati na česticu „vodno dobro“, odnosno u vodotoke i na njegove obale
- 3.10. Upotrijebljenu ambalažu, najlone za pakovanje peleta i slično zbrinjavati u skladu sa propisima o zaštiti okoliša. Sve opasne otpadne materije privremeno skladištiti u odgovarajućim posudama i kontejnerima, koji onemogućuju prosipanje sadržaja i degradaciju tla.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 25. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik je dužan ispoštovati sve mjere i aktivnosti propisane istom.
6. Ukoliko radom predmetnog pogona dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Ova vodna dozvola, shodno članu 117. stav (1) Zakona o vodama („Službene novine Federacije BiH“, broj 70/06) i članu 26. stav (1) Uredbom o uslovima ispuštanja otpadnih voda u okoliš i sisteme javne kanalizacije se daje sa rokom važenja do **19.12.2023. godine, godine.**
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole
12. Uslov za izdavanje nove vodne dozvole je ispunjenje uslova iz dispozitiva ovog Rješenja i ukoliko se isti ne realiziraju neće biti moguće pribaviti novi vodni akt.

O b r a z l o ž e n j e

Investitor, „DRVOPROMET“ d.o.o. Velika Kladuša, svojim zahtjevom od 28.10.2021. godine, zatražio je izdavanje vodne dozvole za ispuštanje tehnoloških otpadnih voda sa lokacije i iz pogona za primarnu obradu drveta, lociranog na zemljištu označenom kao k.č. broj: 1375/3 K.O. Grahovo, u naselju Glavica, općina Velika Kladuša.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o izmjenama podataka, broj: 017-0-Reg-17-000185, izdano dana 31.03.2017. godine, od strane Općinskog suda u Bihaću,
- Ovjerena kopija Uvjerjenja o poreznoj registraciji, izdano dana 10.12.2002. godine, od strane Federalnog ministarstva finansija - Porezne uprave Federacije BiH – Kantonalni ured BIHAĆ,
- Ovjerena kopija Uvjerjenja o registraciji/upisu obveznika poreza na dodanu vrijednost, izdano od strane Uprave za indirektno-neizravno oporezivanje Banjaluka pod brojem 04/5-1/I-17-1035-195/05, dana 12.11.2005. godine,
- Kopija uplatnice administrativne pristojbe,
- Dinamički plan realizacije vanjskih hidroinstalacija pravnog lica „Drvopromet“ doo Vel. Kladuša od decembra 2021. godine,
- Kopija Rješenja, kojim se odobrava Bašić Šerifa Šerifu iz Glavice da kao investitor može početi sa upotrebom poslovno-proizvodnog objekta (rezanje građe) izgrađenog u Glavici, a prema odobrenju za građenje broj: 05-361-91/97 od 29.10.1997. godine izdano od strane Odjeljenja za urbanizam Službe prostornog uređenja i resursa općine Velika Kladuša pod brojem 05-363-54/98, dana 25.09.1998. godine,
- Kopija Rješenja o vodnoj dozvoli, kojim se daje vodna dozvola investitoru „DRVOPROMET“ d.o.o. Velika Kladuša, za ispuštanje tehnoloških (industrijskih) otpadnih voda iz pogona za preradu drveta, lociranog u naselju Glavica, na broju 145, općina Velika Kladuša, izgrađenog na zemljištu označenom kao k.č. broj 1375/3, K.O. Grahovo, općina Velika Kladuša; izdano od strane Agencije za vodno područje rijeke Save pod brojem: UP-I/25-3-40-304-9/18, dana 26.10.2018. godine,
- Kopija Rješenja o izmjeni Rješenja za davanju saglasnosti za obavljanje djelatnosti rezanja drveta, kojim se daje saglasnost za obavljanje djelatnosti rezanja drveta na izgrađenom objektu pilane DJL „DRVOPROMET“ p.o., koja se nalazi u Glavica 145, Mala Kladuša, Opština Velika Kladuša, na zemljištu označenom kao k.č. 05-361-91/97, a čiji je investitor DJL „DRVOPROMET“; izdano od strane Kantonalnog ministarstva industrije, energetike i rudarstva Unsko-sanskog kantona pod brojem UP/I broj: 06/1-017-604/98-3, dana 15.11.1999. godine, u Bihaću, te se izdaje izmijenjeno Rješenje broj 06-26-7757-UP-1/2011 izdato od strane navedenog ministarstva Vlade USK, dana 30.06.2011.godine,
- Kopija Rješenja, kojim se mijenja stav 1. dispozitiva rješenja br. 05-361-91/97 od 29.10.1997. godine izdano od ovog organa kojim je izdano odobrenje za izgradnju proizvodno-poslovnog objekta u Glavici, općina Velika Kladuša, i glasi: 1. odobrava se Bašić (Šerif) Ejubu i Muhamedu iz Glavice da kao investitori mogu započeti sa izgradnjom proizvodno poslovnog objekta u Glavici na zemljištu označenom kao k.č. br. 1375/1 K.O. Grahovo i k.č. 1222/1 K.O. Mala Kladuša po starom premjeru pod uvjetom da se pridržava ovjerene tehničke dokumentacije datih urbanističkih uslova kao i pribavljenih pojedinih saglasnosti, 2. ostali dijelovi rješenja br. 05-361-91/97 od 29.10.1997. godine ostaju ne promijenjeni i 3. Sastavni dio ovog rješenja čini rješenje br. 05-361-91/97 od 29.10.1997. godine; izdano od strane Odjeljenja za urbanizam Službe prostornog uređenja i resursa općine Velika Kladuša pod brojem 05-361-67/98, dana 12.10.1998. godine,
- Kopija naslovnice Glavnog projekta instalacija vodovoda i kanalizacije izrađen od strane „Zagrebinspekt“ doo Mostar kolovoza 2013. godine,
- Zaključak o visini i roku za plaćanje posebnih troškova, izdan od strane Agencije za vodno područje rijeke Save pod brojem UP-I/21-3-40-519-2/21, dana 13.11.2021. godine; te uplatnica za iste.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, («Službene novine Federacije BiH», broj 31/15, 55/19 i 41/20) izvršen je pregled izgrađenog poslovnog objekta pogona za obradu drveta sa pratećim sadržajima i tom prilikom sačinjen zapisnik o uviđaju broj: UP-I/21-3-40-519-3/21 od 20.12.2021. godine.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama, člana

12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Uviđajem na licu mjesta ustanovljeno je slijedeće:

U krugu pogona locirani su slijedeći objekti: skladište oblovine na otvorenom locirano na manipulativnom prostoru iznad objekta pilane, nadstrešnica za rezanje trupaca u kojoj je smještena brenta, objekat pilane u kojem su smješteni alatnica i oštračnica, upravne prostorije sa sanitarijama i čajnom kuhinjom te sušara sa kotlovnicom, proizvodna hala za izradu poluproizvoda – euro blokova tj. širinskih i debljinskih ljepljenih ploča i drvnih elemenata te proizvodna hala za proizvodnju peleta sa objektima silosa za piljevinu.

Oborinska voda sa krovova objekata se sistemom horizontalnih i vertikalnih oluka spušta dijelom u reviziona okna, iz kojih se cijevnim sistemom odvodi direktno u propust ispod ceste. Drugi dio oborinskih voda se ispušta direktno na manipulativne i zelene površine. U objektu nadstrešnice je smještena širokotračna pila - brenta za grubi razrez drveta, a u objektu proizvodne hale za primarnu preradu drveta te izradu poluproizvoda (euro blokova) su smještene slijedeće mašine – strojevi: poprečni cirkular i uzdužni cirkular za rezanje drveta, blanjalica i slično. Svi strojevi su spojeni na sistem za otkis piljevine u silos, koji se pneumatskim putem prazni u kamione te odvozi na prostor nadstrešnice proizvodne hale za proizvodnju peleta, a dio se koristi kao gorivo u kotlovnici. U tehnološkom postupku se vrši pranje trupaca (ispred pilanskog postrojenja se nalazi AB ploča na kojoj se vrši pranje, koja je ovičena slivnim rešetkama, koje otpadnu tehnološku vodu odvođe u improvizirani taložnik, čiji preliv je spojen na cestovni propust), tehnološke proces počinje skladištenjem oblovine, raspiljivanja oblovine, uzdužno krajčenje, poprečno krajčenje, formiranje elemenata po zadanim dimenzijama, sušenje rezane građe i skladištenje otpadnog drveta i gotovih proizvoda. Pored toga se vrši proizvodnja euroblokova i proizvodnja peleta.

Oborinske vode sa manipulativnog platoa pogona koji nije asfaltiran niti nivelisan, se slobodno razlijevaju u okolni teren bez prethodnog tretmana.

Otpadna voda koja se koristi za pranje balvana se preko taložnika ispusta u cestovni propust.

Unutar proizvodne hale za izradu poluproizvoda – euroblokova (izgrađena na zemljištu označenom kao k.č. broj: 1374/1, kojoj se prilazi preko parcele označene kao k.č. broj: 1374/2, obje K.O. Grahovo) ne nastaju tehnološke otpadne vode a za prihvat piljevine je primjenjen sistem pneumatskog otkisa u vertikalni silos. Piljevina se potom prazni u kamion kiper i odvozi na prostor nadstrešnice ispred proizvodne hale za proizvodnju peleta.

Pogon za proizvodnju peleta je smješten u proizvodnoj hali izgrađenoj na zemljištu označenom kao k.č. broj: 1375/1, kojem se prilazi preko zemljišta označenog kao k.č. broj: 1375/3, obje K.O. Grahovo. Na prostoru predmetnog objekta ne nastaju otpadne tehnološke vode. Piljevina i otpaci drveta, koji se koriste kao sirovina za proizvodnju peleta, se skladište na prostoru nadstrešnice ispred proizvodne hale. O svemu navedenom sačinjena je opsežna foto dokumentacija za arhivu.

Do momenta izvršenja terenskog uviđaja nisu vršena mjerenja kvaliteta otpadnih tehnoloških voda, a podnosilac zahtjeva ima sklopljen Ugovor sa ovlaštenim pravnim licem koja ista vrši. Ugovor je zaključen za monitoring otpadnih voda sa lokacije objekta benzinske pumpne stanice, izgrađen u naselju Mala Kladuša, općina Velika Kladuša, u posjedu podnosioca zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Uredbe o uslovima ispuštanja otpadnih voda u okoliš i sisteme javne kanalizacije, Pravilnika o sadržaju, obliku, uslovima i načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije, propisani uslovi kojih se korisnik pogona ima pridržavati.

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama („Službene novine Federacije BiH“, broj 06/98, 8/00, 45/10 i 45/13)

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl. inž.

**Po ovlaštenju
Rukovodilac sektora za izdavanje vodnih akata**


Hariš Ališehović, dipl. inž. građ.

Dostaviti:

- „DRVOPROMET“ d.o.o. Velika Kladuša, Glavica 145, 77 230 Velika Kladuša
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča